



## **Universitätsbibliothek Paderborn**

**Occupatio animae Jesu Christo crvcifixo devotee.**

**Leroy, François**

**Pragae, 1666**

Capvt XXIII. Alia quædam præclara animæ circa Christi vulnera occupatio.

[urn:nbn:de:hbz:466:1-47123](#)

fensibus consereret; quod jam nihil per illa, nisi ex ipsis spiritu, sive (ut plures hic loqui amant) Christiformiter operemur: prout jam pluribus explicatum est supra cap: 14. hujus partis.

Eadēmq; mente existimo fuisse S. Bonaventuram; dum invitans nos ad intrœundum per apertas vulnerum janus in ipsum Christum vulneratum, ita ait: *Nam p̄e n̄i-  
mio amore aperuit sibi latus, ut tibi tribuat cor suum. sibi etiā,  
voluit pedes & manus perforari, ut cū ad ipsum perveneret,  
sic tue manus intrent in suas, ac pedes tui in suos, ut sibi inse-  
parabiliter conjugari.* Ex quo utique fiat, quod dicebamus: ut quibus nimis jam cor unum, idem quoq; sensus & affectus sint; & quibus pedes, manusve, aut membra alia intimè & inseparabiliter conjuncta sint, eodem spiritu incidentur ac moveantur ad opus: proindeq; omnes cogitationes, sensus, affectus, atque actus nostri, Christiformes sint & cruciformes; ea nimis in nobis operante, ac suo spiritu sigillante, eo in quo vivimus, & qui vivit in nobis, Christo crucifixo Domino nostro.

## C A P V T   X X I I .

*Alia quadam praelata animæ circa Christi vul-  
nera occupatio.*

§. I.

*Exercitium circa Christi vulnera ex Nicolao Eschio  
desumptum.*

**F**loruit quondam in Belgio famâ virtutis & mysticæ sapientiæ peritiâ Nicolaus Echius; is quo Petrus Canisius noster adhuc adolescens Magistro spiritûs ulus est Cœlonia, & cuius pijs exercitijs Venerabilis Vidua Maria Ragi-

B b b

gia

*Vit. c. 3.*

gia familiariter usâ esse, & multum profecisse fertur. In his Eschij exercitijs, exercitium est ordine septimum; quod ipse hoc titulo inscribit: *Exercitium cruciforme ad vulnera Christi JESU: ubi pia ac præclara ratio traditur, tum extirpandi vitia omnia (quod omnino præstari oportet; aut quam, ut ipse loquitur, in cor JESU ad unionem spiritus introre permittaris) tum acquirendi virtutes contrarias; sicut & corpus & animam semper & ubique crucifigamus, juxta exemplar Christi JESU, qui semper crucifixus vixit, & crucifixus ex hoc seculo migrare voluit.*

Ait igitur oportere nos ex illius anima & corpore revoluti fugere, & in nos attrahere virtutes omnes, & praesertim has quinque nobilissimas.

*Prima est vera humilitas: quam (inquit) portabis quâ in pedibus tuis; rogabisq; Dominum per vulnera sanctissimorum pedum suorum, & per maximam humilitatem suam quam semper exhibuit, ut tibi concedat in omnibus tam humilem existere, quâm ejus gratissima voluntas à te exigit humilitatis suæ imitationem.*

*Secunda est vera sapientia: quam virtutem portabis capite, imprimisq; caput tuum in transfixum caput JESU Christi; obsecrando eum per dolorem sanctissimi capituli sui, ut te suâ divinâ sapientiâ exornare velit, &c.*

*Tertia est vera caritas D E I. Hanc virtutem portabis in corde tuo; attendensq; transfixum cor Jesu Christi; ut tuum in illud imprimis; obsecrabisq; eundem per amorem suum, & per humanum transfixum cor suum, ut pereadem largiri tibi dignetur perfectum sui amorem.*

*Quarta est vera justitia: quam portabis in manu dextera; attendensq; dexteram Jesu Christi, quomodo clavis affixa fuit cruci: obsecrans illum ferventer, peracribissimam poenam quam sustinuit in vulnere manus suæ detrahere, & per amorem, qui ipsum hanc sustinere coegerit, ut tibi*

tibi dare dignetur veram justitiam in omnibus operibus tuis.

*Quinta est vera animi fortitudo. Hanc virtutem potabis in sinistra manu tua; attendensq; sinistram manum Iesu Christi, ipsum obsecrabis per dolorem hujus vulneris sui; & per mirabilem fortitudinem, quam in omnibus adversitatibus suis exhibuit, ut veram tibi fortitudinem infundere dignetur, quanta tibi necessaria est, pro ejus summo honore, & tua salute.*

*Et has virtutes omnes Domini nostri JESU Christi (subdit idem author) per totam vitam tuam ab ipso postulare, & tuo corpori & anime imprimere debes; conformando te in his virtutibus Domino DEO tuo pro te crucifixo, quantum tibi possibile fuerit; semper & ubique imaginem crucifixi vita & mortis sua, in ipsis quas prediximus virtutibus, aut saltem in quinque illarum præcipuis, contemplando & imitando, tegi in eis cruce extendendo & crucifigendo: ita ut quocunq; te veritas, ad dexteram sive ad sinistrum, semper unam ex virtutibus JESU, in ea quam tunc attendis, parte corporis tui videoas collocaram, & tibi irritandam.*

Gratissimum enim est Sacrificium JESU Salvatori nostro pro nobis crucifixo, quando propter ipsum carnem nostram cum vitijs & concupiscentijs nostris crucifigere discimus, & sic mori cum ipso non recusamus. Hæc ferè Eschius. Qui ad extremum & breves adjungit aptasq; precandi formulas, quibus tota hujus exercitij ratio familiarem ad usum redigatur. Itaque exempli gratiâ, ad pedum oscula admonet, hunc ferè in modum esse precandum.

*Gratias tibi ago, humillime JESU, pro incomprehensibili amore, & vulnere sanctorum pedum tuorum; similiq; in ea projicio me ipsum, & omnia peccata mea, præsertim omnem meam superbiam, vanam gloriam & arrogantiam, us aboleantur & expientur pretioso sanguine tuo: obsecrans te per ineffabi-*

B b b 2

effabi-

*Pars III. Interior animæ occupatio  
effabilem humilitatem tuam, ut eandem virtutem mibi largi  
digneris; quò, per gratiam tuam, in cunctis deinceps sim et  
humilis; atque in omni vita, & maximè in hora mortuæ, si mihi  
bi certum in his sacris vulneribus refugium.*

Et simili porrò precandi formâ uteris ad reliqua dictorum Christi membrorum, puta ad caput, agendo gratias Iesu sapientissimo, & petendo veram sapientiam: ad dulcissimum cor Domini Iesu, gratias agendo Iesu amantissimo, & projiciendo cor tuum in cor ejus, & petendo veram charitatem. Et ita de reliquis.

### §. 2.

*Alia quedam his affinia, ex Ioanne Thaulero  
deprormpta.*

**J**oannes Thaulerus in epistolis suis duo quedam suggesta exercitia, ad propositos usus pertinentia.

Primum in epistola 26. ubi sic ferè loquitur:

Anima D<sup>E</sup>UM amans, eundem in illius vulneribus contemplari & osculari debet. Hæc enim Salvatoris nostrí vulnera plus pulchritudinis, lætitiae, claritatis toti conferunt cœlesti curiæ, quam omnia alia, quæ in vita perenni, exceptâ Divinitate, habentur.

Primo igitur pius asceta magno cum desiderio osculari debet caput Iesu Christi. Per hoc quippe quandam accipit nobilitatem, & paternam hæreditatem cum Christo possidere dignus efficitur. Secundò, vulnus cordis contemplabitur & exosculari debet. Unde illi in divino amore, cunctis virtutibus fervidus profectus datur. Tertiò, vulnus dextræ manus. Inde ipsi redemptio, libertas, & gratia Dei praestatur abundè. Quartò, vulnus manus sinistræ. Indescutum & protectionem adversus tentationes quaslibet reputat. Quintò, vulnus dextri pedis. Inde robur & virtutem cuncta pro Dei amore libenter perferendi suscipit. Sexto

deni-

denique, vulnus pedis sinistri. Inde illi à Dō delectatio & affectus ad omnia studia spiritualia, cunctaq; virtutis opera præstatur.

Alterum in epistola 28. quod ipse appellat: *Exercitium per quinque vulnera Christi in ejus divinitatem transfundit*. Nam cùm compertum sit, per sacram Christi Humanitatem nobis ad ipsius Divinitatem transfundum esse: ita commentatur pius hic Doctor, quasi in Christi vulneribus, totidem nobis viæ & tanquam semitæ aperiæ sint, quibus non difficulter in ipsam Divinitatem penetretur.

Itaque prima via, inquit, per vulnus sinistri pedis, est stibunda nostræ sensualitatis, naturæ, ac inordinatae naturalis delectationis mortificatio. Secunda, per vulnus dextri pedis, est fortis ac vehemens in Dñum penetratio, per omnia adversa, cum perseveranti gratiarum actione, & laude superessentialis doni, quod Deus est. Tertia, per vulnus sinistre manus, est actuum virtutum omnium exercitatio, in obedientia humili, & integrâ sui ipsius sub Deum subjectione, in interna paupertate & inopia spiritus, & perfectâ sui resignatione in tempore & æternitate. Quarta, per vulnus manus dextræ, est abstracta, nuda, simplex, & expedita spiritus paupertas, omnis (ut ait) imaginis seu formæ expers, cum amore essentiali, in purissimam divinæ simplicitatis nuditatem. Quinta, per vulnus cordis, est cum igaitis desiderijs & excitationibus, per amorem actualem se consumere, & in amore essentiali liquefcere, & per fruitionem sine medio in caliginosum divinæ unitatis silentium sese immergere. Quibus quidem postremis ex mystica Theologia petitis, specialem illum & paucis concessum ad umbrat, mysticæ (ut vocant) unionis complexū, quo mens hominis simplici intuitu, & nullo intercurrente phantasma, divinam essentiam attingit, eidēmq; quodam puri & quieti amoris contactu intimè & ineffabiliter adhærescit.

Qui

Qui quoniam (ut principio dixi) non tam ullius humanae industriae fructus est, quam extraordinarium divini favoris privilegium; nostræ hic erunt partes, primis illis vijs, o m nimodæ nostri abnegationi videlicet, fortis hilaris; de versorum patientiae, perfectæ sub divinis nutibus voluntatis nostræ subjectioni, aliarumq; potius solidarum virtutum, actibus insisterem, quam de singularibus illis atq; extraordinarijs Dei muneribus laborare.

Cæterum simili aliquâ ratione, ex Thauleri sensu, biers asceta, per cœlestes (ut ait) radiantum vulnerum portu, toto corde in D E Il M nitetur, contendet, ac penetrabit. Et démq; exercitij ratio (uti & illius quod ex Nicolao Elchis proposuimus) non transeunti tantum aut defunctione Crucifixi vulnerum salutatione osculatione serviet, sed & qm ea quæ in recessu continet, ad usus suos evolvere atq; explorare noverit, variam quoque materiam etiam operibus commentationi suppeditabit.

Demum alia quædam hujusmodi depromi possent Pharetra divini amoris Joannis Lansbergij Carthusiani; u nominatim ex lib: 1. parte 5. & lib: 2. parte itidem 5. ubi nonnulla habentur exercitia similia ad quinque vulnera Christi, tum varia præsertim ad dulcissimum corpus afflictiones. Verum quæ produximus, ad aliquam eorum qui hæc desiderant, informationem sufficiunt: & nos presentis occupationis, in actibus virtutum Theologicarum, consistentis, finem respectamus, si prius actus affectu nonnullos, qui vel amoris adversus Crucifixum signauit effectus sint, vel si aliquâ aliâ ratione subneci, extremis hinc capitibus, ad quoddam tractationis complementum, subjunixerimus.

CAPIT